



Kommunane i Vestland

Saksbehandlar, innvalstelefon

Kåre Træen, 5764 3004

Handsaming av budsjett og økonomiplan – innsending til Fylkesmannen

Etter at årsbudsjettet og økonomiplanen for 2021 – 2024 er vedteke, ber vi kommunane **snarast mogleg og seinast innan 30 dagar etter vedtaket** å sende dokumenta til Fylkesmannen.

Vi ønskjer at dokumenta blir sendt elektronisk (PDF-format). Spørsmål om innsendinga kan rettast til vårt arkiv, fmvlpost@fylkesmannen.no.

Årsbudsjettet og økonomiplanen som blir sendt til oss, skal vere ajourført i samsvar med vedtaket til kommunestyret. Vi ber og om å få tilsendt utskrift av saksprotokollen for handsaminga, frå innstillinga til administrasjonen til vedtak i kommunestyret. Dette gjeld også for kommunale føretak.

Budsjett og økonomiplan skal vere utarbeidd, vedteke og oppsett etter kommunelova med tilhøyrande forskrift. Økonomiplanen må syne korleis langsiktige utfordringar, mål og strategiar i kommunale planar skal følgjast opp. Saman med årsbudsjettet skal han vise kommunestyrets prioriteringar og løyvingar og dei mål og premisser som økonomiplanen og årsbudsjettet byggjer på. Dei skal også vise utviklinga i kommunens økonomi og utvikling i gjeld og andre vesentlege langsiktige forpliktingar. Vedtaket om årsbudsjettet skal angi beløpet for nye lån som skal takast opp i budsjettåret.

Økonomiplanen og årsbudsjettet skal settast opp i balanse for kvart år og vere realistiske, fullstendige og oversiktlege etter lov og forskrift. Innsparingar (auka inntekter eller reduserte utgifter) som kommunestyret vedtek for å oppnå årsbudsjettet og økonomiplanen i balanse, skal vere fordelte ut på dei enkelte ramme- eller tenesteområda. Dette inneber at innsparingane blir fordelte og trekkjer ned løyvingane etter kommunestyret sine prioriteringar.

Økonomiplanen kan utgjere, eller inngå i kommuneplanens handlingsdel etter plan- og bygningslova § 11-1 fjerde ledd.

Etter kommunelova har kommunestyret ei plikt til å vedta finansielle måltal for styringa av kommuneøkonomien. Med finansielle måltal er det meint politiske mål for økonomisk utvikling, t.d. mål for utvikling av netto driftsresultat, gjeldsgrad og disposisjonsfond.



Økonomiplanen og årsbudsjettet skal innehalde oppstillingane:

- bevilgningsoversikter drift etter forskrifta § 5-4 (to skjema etter 1. og 2. ledd)
- bevilgningsoversikter investeringar etter forskrifta § 5-5 (to skjema etter 1. og 2. ledd)
- økonomisk oversikt drift etter art, jf. forskrifta § 5-6 (seinaste frist for innsending er 1. mars)
- oversikt over den årlege utviklinga i gjeld og andre vesentlege langsiktige forpliktingar i planperioden, jf. forskrifta § 5-7.

Kommunale føretak, interkommunale politiske råd og kommunale oppgåvefellesskap kan i oppstillingane etter forskrifta § 5-4 og § 5-6 slå saman uvesentlege postar med andre postar, og utelate postar som ikkje er aktuelle.

For kommunale føretak som driv næringsverksemd kan årsbudsjettet og økonomiplanen tilpassast etter forskrifta § 7-2.

Robek-kommunar – forpliktande plan og opplysningar for lånegodkjenning

Kommunar som er oppførte i Robek (register for betinga godkjenning og kontroll), skal utarbeide og vedta ein forpliktande plan og gjennomføre tiltak for å få økonomien i balanse. Dette kan vere ein eigen plan, eller at planen er ein del av økonomiplanen.

Ved lånegodkjenning til Robek-kommunar ønskjer vi at kommunane i søknaden til Fylkesmannen gjev følgjande opplysningar:

- kort omtale av investeringa
- finansiering med lånebehov
- lån som kommunale føretak har ansvaret for, og der kommunen er innmeldt i Robek, skal også godkjennast av Fylkesmannen. Det same gjeld for selskap etter IKS-lova, dersom ein av deltakarkommunane er registrert i Robek.

Generelt

2020 var det første året med økonomiplanlegging etter ny kommunelov. Fylkesmannen hadde difor i gjennomgangen av kommunanes budsjett og økonomiplanar, særleg merksemd på korleis kommunane følgde opp ny lov med forskrifter. Vårt inntrykk er at for fleire av kommunane vart budsjett 2020 og økonomiplanen for 2020 – 2023 ei første tilpassing til ny lov og forskrifter. Særleg gjaldt dette å oppfylle formalkrava til økonomiske oversikter for drift og investering, oversyn for utvikling av gjeld med andre vesentlege langsiktige økonomiske forpliktingar og vedtak av finansielle måltal. Der det var behov for det, vart dette i vårt budsjettbrev til kommunen omtalt og presisert som eit oppfølgingspunkt for 2021. Fylkesmannen krev difor at alle kommunane følgjer opp og vedtek budsjett 2021 og økonomiplanen til 2024 i samsvar med kommunelova med forskrifter. Dette er òg nødvendig for å legge til rette eit godt grunnlag for folkevalde sine prioriteringar og avgjerder.

Med helsing

Nils Erling Yndesdal
kommunaldirektør

Kåre Træen
seniorrådgjevar

Dokumentet er elektronisk godkjent

Dersom det er spørsmål kan kommunane ta kontakt med Håvard Rød (55 57 21 43), Marit Lunde (57 64 30 05) eller Kåre Træen (57 64 30 04) hjå Fylkesmannen.



Vedlegg:

Forslag til informasjon (økonomisk) som har påverknad for økonomiplanlegginga i budsjett og økonomiplan:

- Økonomisk status for kommunen og nøkkeltal frå balansen
- Nasjonale rammevilkår som har innverknadar på kommunen omtalt i
 - o Kommuneproposisjonen
 - o Statsbudsjettet
 - Nye satsingar og målsetjingar
 - Endringar i inntektssystemet
 - Vekst i frie inntekter
 - Løns- og prisauke (deflator)
 - Skattøyre
- Lokale tilhøve og utvikling i kommunen som har betydning for økonomien
 - o Folketalsutvikling, utvikling i demografi, sysselsetting og sosiale tilhøve samanlikna med landet
- Utvikling av inntekter for kommunen
 - o Skatt og rammetilskot – jf. at folketalsutvikling og demografi har innverknad på frie inntekter og grunngeving for skatteanslaget
 - o Eigedomsskatt
 - o Rentekompensasjon frå investeringar
 - o Statstilskot flyktningar og asylantar
 - o Renteinntekter, utbytte, avkastning verdipapir
 - o Konesjonsavgifter, heimfall og gevinst sal av konsesjonskraft
 - o Havbruksfondet
 - o Andre inntekter
- Omtale av og oversikt for
 - o Avgifter, gebyr og betalingssatsar
 - o Sjølvkosttenester med vedlegg av sjølvkostskjema for VAR som grunnlag for budsjetteringa
- Utgifter
 - o Føresetnader for budsjettering av løn, arbeidsgjevaravgift og pensjon
 - o Prisauke
 - o Renteutgifter og avdrag (tabell, kommentere minimumsavdrag)
 - o Fond – tabell for avsetjing og bruk i perioden
 - o Langsiktig gjeld – utvikling (skilje mellom gjeld der renter og avdrag blir dekt av frie inntekter og gjeld som renter og avdrag blir dekt av brukarbetaling, tilskot, refusjonar mv).
 - o Netto renteeksponert gjeld av totale driftsinntekter, jf. tabell i kommuneprp. 2021frå side 139
- Finansielle måltal (handlingsreglar) jf. kommunelova § 14.2, t.d.:
 - o Netto driftsresultat i prosent av brutto driftsinntekter
 - o Langsiktig gjeld i prosent av brutto driftsinntekter



- Frie driftsfond i prosent av brutto driftsinntekter
 - Eigenfinansiering av investeringar
- Oversikt og omtale av investeringar og utviklingsarbeid – utgifter og finansiering



Mottakerliste:

Gulen kommune	Eivindvikvegen 1119	5966	EIVINDVIK
Osterøy kommune	Rådhuset	5282	LONEVÅG
Bjørnafjorden kommune	Postboks 24	5649	EIKELANDSOSEN
Kvam herad	Grovagjelet 16	5600	NORHEIMSUND
Kvinnherad kommune	Rosendalsvegen 10	5470	ROSENDAL
Luster kommune	Postboks 77	6866	GAUPNE
Sogndal kommune	Postboks 153	6851	SOGNDAL
Høyanger kommune	Postboks 159	6991	HØYANGER
Vaksdal kommune	Konsul Jepsensgata 16	5722	DALEKVAM
Samnanger kommune	Tyssevegen 217	5650	TYSSE
Eidfjord kommune	Simadalsvegen 1	5783	EIDFJORD
Stryn kommune	Tonningsgata 4	6783	STRYN
Masfjorden kommune	Austfjordvegen 2724	5981	MASFJORDNES
Fedje kommune	Adm.bygg	5947	FEDJE
Austrheim kommune	Kommunehuset	5943	AUSTRHEIM
Bømlo kommune	Leirdalen 1	5430	BREMNES
Stad kommune	Rådhusvegen 11	6770	NORDFJORDEID
Bremanger kommune	Postboks 104	6721	SVELGEN
Lærdal kommune	Postboks 83	6886	LÆRDAL
Aurland kommune	Vangen 1	5745	AURLAND
Vik kommune	Postboks 134	6891	VIK I SOGN
Øygarden kommune	Ternholmvegen 2	5337	RONG
Fitjar kommune	Postboks 83	5418	FITJAR
Sveio kommune	Postboks 40	5559	SVEIO
Bergen kommune	Postboks 7700	5020	BERGEN
Hyllestad kommune	Kommunehuset	6957	HYLLESTAD
Austevoll kommune	Kommunehuset	5392	STOREBØ
Etne kommune	Sjoarvegen 2	5590	ETNE
Kinn kommune	postboks 294	6701	MÅLØY
Sunnfjord kommune	Postboks 338	6802	FØRDE
Årdal kommune	Statsråd Evensensveg 4	6885	ÅRDALSTANGEN
Solund kommune	Postboks 73	6921	HARDBAKKE
Alver kommune	Postboks 4	5906	FREKHAUG
Modalen kommune	Postboks 44	5729	MODALEN
Askøy kommune	Klampavikvegen 1	5300	KLEPPESTØ
Gloppen kommune	Grandavegen 9	6823	SANDANE
Fjaler kommune	Postboks 54	6961	DALE I SUNNFJORD
Askvoll kommune	Postboks 174	6988	ASKVOLL
Ulvik herad	Skeiesvegen 3	5730	ULVIK



Ullensvang kommune	Opheimsgt. 31	5750	ODDA
Stord kommune	Postboks 304	5402	STORD
Voss herad	Postboks 145	5701	VOSS
Tysnes kommune	Rådhuset	5685	UGGDAL